

# Txhua Yam Rau Cov Me Nyuam (All in for Kids)

*Ib qho Kev Pabcuam Txhawb Nqa Mus Ntev Rau Menyuum (CLTS) Tsab Ntawv Xov Xwm Rau Tsev Neeg*

Txhua Yam Rau Cov Me Nyuam (All in for Kids): Lub Khoos Kas CLTS yog ib tsab ntawv xov xwm uas pab ceeb toom qhia kom koj thiab koj tsev neeg paub txog Lub Khoos Kas CLTS. Tsab ntawv xov xwm no yog luam tawm los ntawm Wisconsin Department of Health Services (Wisconsin Lub Chaw Haujlwm Saib Xyuas Kev Noj Qab Haus Huv, DHS).

## Cov Kev Hloov Tshiab rau Kev Txiav Txim Siab Ua Ke: Yam tsev neeg yuav cia siab tau

CLTS Kev Pab Cuam siv ib txheej txheem hu ua Txiav Txim Siab Ua Ke uas coj koj tsev neeg thiab pab neeg txhawb nqa los ua ke los tsim cov phiaj xwm kev pab cuam uas qhia txog yam tseem ceeb tshaj rau koj thiab koj tus menyuum.

Raws li cov lus taw qhia los ntawm cov tsev neeg, tus Neeg Saib Xyuas Kev Txhawb Nqa thiab Kev Pabcuam (SSCs), thiab cov neeg koom tes thoob plaws lub xeev, CLTS Kev Pab Cuam tab tom hloov kho tshiab los txhawb kev Txiav Txim Siab Ua Ke. Lub hom phiaj ntawm cov kev hloov tshiab no yog yooj yim: muab kev taw qhia kom meej dua txog kev xaiv cov kev xaiv uas siv nyiaj kom tsim nyog tshaj, txhawb kom pab neeg tag nrho muaj zog dua los ntawm kev meej pem zoo dua, thiab txhim kho raws li kev txawj ntse ntawm txhua tus tswv cuab hauv pab neeg.

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

Txhua tus tswv cuab hauv pab neeg—xws li koj, koj tus menyuam, SSC thiab lwm tus—nqa kev paub thiab kev pom tseem ceeb los pab npaj kev pab cuam. Txhua tus tswv cuab pab kom nkag siab txog koj tus menyuam thiab tsev neeg tag nrho thiab tsim cov txiaj ntsig.

Leej twg yog ib feem ntawm pab neeg?

- Koj tus menyuam (tus koom tes)
- Cov tswv cuab hauv tsev neeg
- Tus Neeg Saib Xyuas Kev Txhawb Nqa thiab Kev Pabcuam (SSC)
- Cov chaw muab kev pabcuam thiab cov kws tshaj lij kev kho mob
- Lwm tus neeg tseem ceeb uas koj tsev neeg suav nrog

Koj thiab koj tus menyuam yog cov kws paub txog nej tus kheej lub neej. Koj thiab koj tus menyuam piav qhia txog koj cov kev xav tau, kev coj ua niaj hnuv, kev nyiam, thiab cov txiaj ntsig. Koj tus SSC muab kev paub txog CLTS Kev Pab Cuam cov cai, cov txiaj ntsig, thiab lwm yam peev txheej uas muaj. Lawv tuaj yeem qhia txog seb lwm tsev neeg tau ua haujlwm li cas los ntawm cov teeb meem zoo sib xws.



### Muaj dab tsi tab tom hloov hauv Txiaiv Txim Siab Ua Ke?

Tsib kauj ruam ntawm Txiaiv Txim Siab Ua Ke tseem zoo ib yam, tab sis CLTS Kev Pab Cuam tau hloov kho cov lus thiab kev taw qhia kom txhua kauj ruam muaj kev ua ntau dua thiab yooj yim nkag siab dua. Cov kauj ruam tam sim no tsom mus rau yam uas pab neeg ua ua ke, los ntawm kev txheeb xyuas cov txiaj ntsig uas koj tus menyuam thiab tsev neeg xav ua tiav mus rau kev soj ntsuam seb kev txhawb nqa thiab cov kev pabcuam puas ua haujlwm.

Ua ntej pab neeg pib txheej txheem Txiaiv Txim Siab Ua Ke, koj, koj tus menyuam, thiab koj tus SSC yuav ua hauj lwm ua ke kom tiav ib qho kev soj ntsuam. Qhov kev ntsuam xyuas yog lub hauv paus rau kev npaj kev pabcuam. Nws sau txog tej lub zog, tej teeb meem, tej yam uas neeg nyiam, tej kev npau suav, thiab tej yam tseem ceeb uas tus neeg koom nrog CLTS Kev Pab Cuam yuav tsum xav txog. Qhov no kuj yog lub sijhawm rau koj tus menyuam, tsev neeg, thiab SSC los tshuaj xyuas cov ntaub ntawv thiab lwm yam ntaub ntawv cuam tshuam los ntawm cov chaw kho mob, kev kawm, thiab lwm tus neeg muab kev pab cuam.

#### Deciding Together Steps: Retitled

Step 1: Issues and Goal	→	Step 1: Identifying Outcomes
Step 2: Creative Thinking	→	Step 2: Thinking Creatively
Step 3: Weigh Options	→	Step 3: Weighing Options
Step 4: Develop the Plan	→	Step 4: Developing the Plan
Step 5: Evaluate Effectiveness	→	Step 5: Evaluating the Plan

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.



- **Kauj ruam 1: Kev txheeb xyuas cov txiaj ntsig**

Pab neeg pib los ntawm kev qhia kom meej tias koj tus menyuam thiab tsev neeg xav ua tiav dab tsi. Kauj ruam no tsom mus rau cov txiaj ntsig thiab pab koj txhua qhov kev txiaj txim siab uas ua raws. Cov txiaj ntsig yog cov kauj ruam tshwj xeeb uas pab koj thiab koj tus menyuam ua tiav lawv cov hom phiaj dav dav thiab cov txiaj ntsig uas nej xav pom. Pab neeg yuav tham nrog koj thiab koj tus menyuam kom nkag siab txog koj tus menyuam cov kev xav tau, lub zog, thiab yam nws nyiam. Koj thiab koj tus menyuam yuav xav txog yam koj tus menyuam xav ua tiav thiab tsim cov txiaj ntsig. Piv txwv, xav tias koj tus menyuam xav nce nws txoj kev ywj pheej. Tej zaum yuav yog thaum kawg ntawm lub xyoo kawm ntawv, koj tus menyuam yuav siv daim ntawv teev npe los ua kom tiav lawv cov kev ua niaj hnuv thaum sawv ntxov kom npaj mus kawm ntawv. Txhua yam kev txhawb nqa thiab kev pab cuam uas xaiv yuav tsum muaj ib qho txiaj ntsig tau txheeb xyuas ua ntej.

- **Kauj ruam 2: Xav Tsim Kho**

Pab neeg tshawb nrhiav ntau yam tswv yim los txhawb cov txiaj ntsig ntawd. Txoj kev no hwm ntau haiv neeg kab lis kev cai thiab kev ntseeg sib txawv, thiab txhawb kom muaj kev xav tsim kho thiab kev sib tham qhib.

- **Kauj ruam 3: Ntsuas Cov Kev Xaiv**Kauj ruam no tau txais kev hloov kho ntau tshaj plaws. Cov neeg ua haujlwm no saib xyuas seb txhua txoj kev xaiv txhawb nqa koj tus menyuam cov txiaj ntsig uas pab neeg tau txheeb xyuas li cas, muaj cov peev txheej nyiaj txiag twg, thiab yuav siv cov nyiaj ntawm CLTS Kev Pab Cuam li cas kom muaj lub luag haujlwm. Cov tsev neeg sib qhia txog yam uas ua haujlwm zoo tshaj plaws hauv lawv lub neej txhua hnuv, thaum koj tus SSC pab piav qhia txog cov kev xaiv ntawm cov kev pab cuam, cov chaw muab kev pabcuam twg muaj, thiab kev siv nyiaj tsim nyog.

Lub hom phiaj ntawm kauj ruam 1-3 yog xaiv qhov kev xaiv uas phim koj tus menyuam cov kev xav tau tam sim no thiab cov txiaj ntsig zoo tshaj plaws hauv txoj kev siv nyiaj kom tsim nyog. Tsis yog txhua qhov kev xaiv uas tau pom zoo yuav phim raws li tsim nyog. Thaum muaj ntau txoj kev xaiv uas ua tau raws li qhov tshwm sim lossis lub hom phiaj, pab neeg yuav tsum xaiv qhov kev xaiv uas pheej yig tshaj plaws. Koj tus SSC yuav xyuas kom meej txog lub luag haujlwm ntawm cov peev nyiaj, suav nrog Medicaid kev pab them nqi, thiab sib koom cov txiaj ntsig kom ntseeg tau tias CLTS Kev Pab Cuam cov nyiaj raug siv kom raug. Kawm paub ntxiv txog kev siv nyiaj kom tsim nyog thiab kev sib koom cov txiaj ntsig hauv cov ntaub ntawv Txiaj Txim Siab Ua Ke ntawm no: [dhs.wi.gov/library/collection/p-02246](https://dhs.wi.gov/library/collection/p-02246)



---

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.




Thaum pab neeg tab tom xav txog kev siv nyiaj kom tsim nyog, qee thaj chaw uas nej yuav sib tham muaj xws li:

- **Txiav txim seb yam kev txhawb nqa lossis kev pab cuam twg muaj nqis tshaj plaws los ntawm kev xav txog:**
  - Tus nqi tag nrho thiab cov txiaj ntsig ntawm cov kev xaiv sib txawv
  - Kev sib piv ntawm tus nqi thiab cov txiaj ntsig dhau sijhawm: qhov no txhais tau tias yog koj tus menyuam cov kev xav tau tuaj yeem ua tiav nrog kev txhawb nqa lossis kev pab cuam uas tus nqi qis dua, ces pab neeg yuav tsum xav tias qhov ntawd yog qhov phim thiab siv nyiaj kom tsim nyog tshaj plaws.
- **Txheeb xyuas seb tus nqi ntawm kev txhawb nqa lossis kev pabcuam puas tsim nyog los ntawm kev nug:**
  - Tus nqi puas sib piv tau rau lwm cov kev txhawb nqa lossis cov kev pabcuam zoo sib xws?
  - Puas yog qhov kev txhawb nqa lossis kev pab cuam ntawd ua tau raws li koj tus menyuam cov kev xav tau yam tsis ntxiv nqi uas tsis pab txhim kho nws txoj kev ua tau raws li cov kev xav tau? Piv txwv, pab neeg yuav tsis xaiv kev txhawb nqa lossis kev pab cuam uas kim dua vim yog npe lag luam lossis yam kev xaiv ntxiv uas tsis hais ncaj qha txog koj tus menyuam cov txiaj ntsig thiab hom phiaj.
- **Kauj ruam 4: Kev Tsim Txoj Kev Npaj**

Thaum txiav txim siab tau cov kev xaiv lawm, pab pawg yuav tsim ib txoj kev npaj kev pabcuam uas meej thiab raws li cov txiaj ntsig xav tau, uas hu ua Individual Service Plan (Txoj Kev Npaj Pabcuam Rau Ib Tus Neeg, ISP). Cov kev txhawb nqa thiab kev pab cuam raug lees paub txog qhov dav, zoo, thiab tus nqi. Pab neeg yuav txiav txim seb cov kev txhawb nqa thiab kev pab cuam twg yuav muaj hauv phiaj xwm raws li yam nej tau sib tham hauv kauj ruam 1, 2 thiab 3. Cov kev txhawb nqa thiab kev pab cuam yuav tsum ua raws CLTS Kev Pab Cuam cov cai thiab siv CLTS Kev Pab Cuam cov nyiaj kom muaj lub luag haujlwm.
- **Kauj Ruam 5: Kev Ntsuam Xyuas Phiaj Xwm**

Pab neeg xyuas kom meej tias cov kev txhawb nqa thiab kev pab cuam hauv phiaj xwm tab tom pab koj tus menyuam ua tiav nws cov txiaj ntsig. Koj tus SSC yuav txheeb xyuas thiab tham nrog koj, koj tus menyuam, thiab koj cov CLTS Kev Pab Cuam providers raws li kev sib cuag txhua hli, txhua peb hlis, rau lub hlis, thiab txhua xyoo raws li yuav tsum tau ua. Lawv yuav sau cov lus tawm tswv yim, txheeb xyuas kev nce qib, thiab kawm txog teeb meem thiab kev nyuaj. Pab neeg tshuaj xyuas seb cov kev txhawb nqa puas pab tau thiab txuas ntxiv nrhiav cov kev xaiv uas tsim nyog thiab siv nyiaj kom tsim nyog tshaj thaum cov kev xav tau hloov.



---

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

## Qhov no txhais li cas rau cov tsev neeg?

Kev sib tham nrog koj tus SSC yuav tsum meej dua thiab qhib dua, nrog kev nkag siab sib koom txog cov txiaj ntsig, kev xaiv, kev siv nyiaj kom tsim nyog, thiab kev txiav txim siab. Cov phiaj xwm kev pab cuam yuav tseem tsum rau koj tus menyuam cov kev xav tau, lub zog, thiab tsev neeg cov kev ua ntej.

Txiav Txim Siab Ua Ke tseem yog raws nraim li nws lub npe hais: ib txheej txheem uas tsev neeg thiab pab neeg ua hauj lwm ua ke los txhawb menyuam yaus hauv txoj kev muaj nqis thiab muaj txiaj ntsig.

## Kuv nrhiav tau cov ntaub ntawv txog Txiav Txim Siab Ua Ke nyob qhov twg?

Cov tsev neeg yuav tau txais cov phau ntawv qhia thiab lus qhia tshiab txog Txiav Txim Siab Ua Ke los ntawm koj tus SSC. Koj kuj nrhiav tau lawv hauv Online. Phau Ntawv Qhia Rau Tus Neeg Koom thiab Tsev Neeg ntawm CLTS Kev Pab Cuam yuav raug hloov kho online. ❖

## Qhov zoo ntawm tsev neeg: Ryan Nrhiav Tau Nws Txoj Kev Ntseeg Tus Kheej



Ryan xyaum ua luam dej thaum lub sijhawm kawm uas CLTS Kev Pab Cuam txhawb nqa.

Ryan yeej ib txwm txawj ntse, xav paub, thiab muaj kev mob siab, tab sis ib hnuv dhau ib hnuv ntawm “peopling” (raws li Ryan nyiam hu nws) hauv tsev kawm them pib feem ntau ua rau nws hnov nkees thiab ntxhov siab. Nws nyob nrog nws tsev neeg hauv Milwaukee County, thiab thaum nws tseem yau nws tau

kuaj pom tias muaj autism spectrum disorder thiab ADHD, nws tsev neeg paub tias nws txoj kev taug yuav txawv, tab sis lawv kuj paub tias nws muaj peev xwm ntau heev. Yam lawv tsis tau paub yog tias CLTS Kev Pab Cuam yuav pab Ryan tsim kev ntseeg siab ntau npaum li cas hauv txoj kev uas yuav nyob nrog nws mus tas sim neej.

Tau ntau xyoo, Ryan ntsib teeb meem nrog kev ua luam dej. Kev kawm ua luam dej ua pab pawg tsis haum rau nws, thiab thaum nws loj hlob tuaj nws hnov txaj muag kawm ua ke nrog cov menyuam yau dua nws ntau. Txhua zaus mus pas dej xaus tib yam: ib zaug ntxiv uas nws tsis dhau qhov kev xeem ua luam dej thiab ib zaug ntxiv uas nco nws tias nws tsis tuaj yeem nrog nws cov kwv tij mus ua luam dej hauv qhov tob. Ryan hais rau nws tus kheej tias nws tsis tas yuav kawm ntxiv lawm, txawm tias nws xav kom nws dhau qhov kev xeem uas yuav tsum muaj rau nws qhov Scout program.

## Cov peev txheej pab tau

[Cov peev txheej Txiav](#)

[Txim Siab Ua Ke](#)

[Phau Ntawv Qhia Rau Tus Neeg](#)

[Koom thiab Tsev Neeg ntawm](#)

[CLTS Kev Pab Cuam](#)

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

Qhov ntawd hloov thaum Ryan tsev neeg kawm paub txog CLTS Kev Pab Cuam thaum nws nyob qib tsib. Los ntawm CLTS Kev Pab Cuam, Ryan pib kawm ua luam dej ntiag tug raws li nws qhov kev xav tau nrog ib tug kws qhia uas nkag siab nws hom kev kawm. Nrog kev txhawb nqa ib leeg-rau-ib leeg thiab kev kawm uas npaj raws li nws qhov ceev, Ryan pib ntseeg nws tus kheej. Nws pom tias nws txawj sawv dej heev. Tsis ntev tom qab ntawd, nws kawm tau backstroke thiab tom qab ntawd front crawl.


Thaum txog sijhawm mus xeeb ua luam dej rau Scout camp, Ryan hnov tias nws npaj txhij lawm. Nws ua luam dej plaub zaug ntev ntawm pas dej yam tsis nres. Nws nkees heev tab sis muaj kev txaus siab, thiab nws dhau qhov kev xeeb. Lub caij ntuj sov ntawd, Ryan mus koom chaw pw hav zoov nrog kev ntseeg siab ua tus ua luam dej, koom nrog nws cov phooj ywg hauv cov dej num uas nws ib zaug xav tias dhau nws ncav tsis cuag.

CLTS Kev Pab Cuam kuj qhib tau lwm txoj hauv kev rau nws. Ryan koom nrog ib qho Islands of Brilliance workshop, qhov chaw uas nws kawm txog digital design thiab tsim ib daim poster uas qhia txog nws txoj kev muaj tswv yim thiab yam nws nyiam. Nrog ib puag ncig thiab kev txhawb nqa uas tsim nyog, nws vam meej heev.

Hnub no, Ryan yog ib tug tub kawm high school xyoo thawj uas tsis txhawj txog kev xeeb ua luam dej lawm, los sis kev ua kom dhau txhua hnub kawm ntawv. Hauv chav kawm qoj ib ce, nws tau dhau qhov kev xeeb ua luam dej hauv tsev kawm ntawv theem siab tau yooj yim, thiab tam sim no nws tab tom muaj kev lom zem tsim ib lub neeg hlau hauv nws chav kawm kev tsim kho. Nws tsev neeg hais tias CLTS Kev Pab Cuam tsis yog tsuas pab Ryan kawm txuj ci xwb; nws tau muab kev ntseeg siab, kev ywj pheej, thiab kev ywj pheej nrhiav pom yam nws ua tau rau nws. ❖



Ryan qhia ib daim poster uas nws tsim los ntawm ib qho kev ua si uas CLTS Kev Pab Cuam txhawb nqa.



Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

## Lub Khoos Kas CLTS xav tau koj tsev neeg cov dab neeg thiab cov duab!

Tsab ntawv xov xwm Txhua Yam Rau Cov Me Nyuam (All in for Kids) yog muab rau cov tsev neeg. Peb xav nthuav koj cov duab thiab tej kev paub kev pom dhau los rau lwm tus neeg nyeem kom lom zem! Koj tuaj yeem qhia tej yam xws li:

- Kev sib cuag zoo nrog Lub Khoos Kas CLTS.
- Ib qho piv txwv txog tias seb Lub Khoos Kas CLTS tau pab koj tsev neeg los sis tus me nyuam li cas.
- Daim duab los sis zaj dab neeg txog yam dej num uas koj tau nrog koj tus me nyuam ua.
- Daim duab txog tej duab kos los sis lwm yam uas koj tus me nyuam tau ua.

Xa koj zaj dab neeg tsev neeg los yog daim duab mus rau [dhsclts@dhs.wi.gov](mailto:dhsclts@dhs.wi.gov) nrog rau "Txhua Yam Rau Cov Me Nyuam (All in for Kids)" hauv kab ntawv kawm. Koj kuj tseem puav leej tuaj yeem xa cov tswv yim rau cov dab neeg uas koj xav nyeem hauv tsab ntawv xov xwm tau tib si thiab. Peb tos ntsoov yuav hnov ib lo lus los ntawm koj!

## Ua kom paub tshiab txog tshuaj tiv thaiv kab mob rau menyuam yaus

DHS xav kom cov tsev neeg paub tias Wisconsin cov lus pom zoo txog tshuaj tiv thaiv kab mob rau menyuam yaus tsis tau hloov. DHS txuas ntxiv txhawb kom cov tsev neeg ua raws li daim sijhawm txhaj tshuaj raws li kev tshawb fawb thiab kev pom zoo los ntawm cov kws kho menyuam yaus.

Thaum ntxov xyoo no, cov koom haum tsoomfwv tau hloov tshiab rau daim sijhawm txhaj tshuaj rau menyuam yaus hauv tebchaws. Los teb rau qhov ntawd, DHS tau tshuaj xyuas cov kev hloov no thiab tseem sawv ntawm nws cov lus pom zoo kom cov tsev neeg hauv Wisconsin txuas ntxiv ua raws daim sijhawm uas tau txhawb los ntawm American Academy of Pediatrics (AAP). Daim sijhawm no raug siv dav los ntawm cov chaw muab kev kho mob thiab raws li cov pov thawj kev tshawb fawb ntev uas qhia tias tshuaj tiv thaiv kab mob pab tiv thaiv menyuam yaus ntawm cov kab mob hnyav uas tiv thaiv tau.

### Qhov no txhais li cas rau cov tsev neeg

- Tham nrog koj tus menyuam tus kws kho mob txog tshuaj tiv thaiv kab mob thiab ua raws daim sijhawm pom zoo.
- Wisconsin cov kev cai txhaj tshuaj rau tsev kawm thiab chaw zov menyuam tseem zoo ib yam.

---

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

- Cov tshuaj tiv thaiv kab mob uas pom zoo tseem raug them los ntawm Wisconsin Medicaid thiab VCov Tshuaj Tiv Thaiv Kab Mob Rau Cov Menyuam kev pab cuam rau cov menyuam uas tsim nyog.

Tshuaj tiv thaiv kab mob tau pab kom menyuam yaus noj qab nyob zoo tau ntau tiam neeg, thiab DHS txuas ntxiv txhawb lawv txoj kev siv kom nyab xeeb thiab muaj txiaj ntsig los tiv thaiv menyuam yaus, tsev neeg, thiab zej zog thoob Wisconsin.

### Cov tsev neeg uas xav kawm ntxiv tuaj yeem:

- Nyeem DHS xov xwm tshaj tawm txog Wisconsin cov lus qhia tshuaj tiv thaiv kab mob tam sim no: [dhs.wi.gov/news/releases/010826.htm](https://dhs.wi.gov/news/releases/010826.htm)
- Tshawb xyuas koj tus menyuam daim ntawv sau tshuaj tiv thaiv kab mob los ntawm Wisconsin Immunization Registry (WIR) lossis nug koj tus kws kho mob pab nkag mus saib: [dhs.wi.gov/immunization/wir.htm](https://dhs.wi.gov/immunization/wir.htm)
- Saib Wisconsin daim sijhawm txhaj tshuaj tiv thaiv kab mob rau menyuam yaus uas pom zoo: [dhs.wi.gov/immunization/recommended-schedules.htm](https://dhs.wi.gov/immunization/recommended-schedules.htm) ❖

## Qhia koj cov lus tawm tswv yim txog CLTS Kev Pab Cuam waiver

DHS tab tom npaj yuav txuas ntxiv daim ntawv tso cai CLTS Kev Pab Cuam, thiab peb xav hnov lus los ntawm cov tsev neeg.

Cov kev zam tso cai rau DHS muaj cov kev pab cuam Medicaid zoo li CLTS Kev Pab Cuam. CLTS Kev Pab Cuam muab kev txhawb nqa thiab kev pab cuam ntev rau cov menyuam muaj kev xiam oob qhab thiab lawv tsev neeg hauv tsev thiab hauv zej zog.

Waiver yuav tsum rov txuas thiab tau txais kev pom zoo los ntawm tsoomfwv txhua tsib xyoo. Daim ntawv tso cai rau CLTS Kev Pab Cuam yuav tsum tau txuas ntxiv ua ntej Lub Ib Hlis 1, 2027. Qhov no yog ib lub sijhawm los txhim kho CLTS Kev Pab Cuam kom zoo dua nyob rau xyoo 2027 txog 2031.

Xyoo tas los, DHS tau ua haujlwm rau daim qauv tshiab ntawm waiver application. Thoob plaws xyoo 2025, cov tsev neeg, cov nroog, thiab cov neeg muab kev pab cuam CLTS tau sib qhia cov tswv yim txog kev txhim kho rau qhov kev pab cuam. Feem ntau ntawm cov tswv yim tsom rau kev ua kom muaj kev sib xws thoob counties thiab txhim kho kev txhawb nqa thiab kev pab cuam rau cov tsev neeg. DHS siv cov tswv yim ntawd los tsim daim qauv tshiab no.



Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

Thaum Lub Tsib Hlis 2026, waiver yuav mus rau kauj ruam tom ntej: **public review and comment**. DHS yuav muab cov ntaub ntawv tshiab txog lub sijhawm txais lus tawm tswv yim ntawm pej xeeb thiab txog yuav xa kev tawm tswv yim li cas rau peb nplooj ntawv Kev rov txuas ntxiv daim ntawv zam ntawm CLTS Kev Pab Cuam ntawm [dhs.wi.gov/clts/renewal.htm](https://dhs.wi.gov/clts/renewal.htm).

Tom qab lub sijhawm public comment xaus, DHS yuav tshuaj xyuas txhua tswv yim, ua kev hloov zaum kawg, thiab xa waiver mus rau cov koom tes tsoomfww rau kev pom zoo. ❖

## Lub Rooj Sab Laj Txog Lub Neej Xyoo 2026: lub sijhawm los kawm, sib txuas lus, thiab loj hlob

Lub Rooj Sab Laj Txog Lub Neej yog lub rooj sab laj txhua xyoo rau cov tsev neeg hauv Wisconsin uas muaj cov menyuam yaus txhua lub hnuv nyoog uas muaj kev tsis taus. Cov neeg muab kev pabcuam thiab lwm tus kws tshaj lij uas txhawb nqa cov tsev neeg kuj tuaj koom, tsim ib qho chaw sib koom los kawm, sib txuas lus, thiab loj hlob ua ke.

Nyob rau hauv nws lub xyoo 40, Circles of Life tseem txuas ntxiv muab ib qho kev paub uas zoo siab txais tos thiab tsom rau tsev neeg. Thoob plaws lub rooj sab laj, cov tsev neeg tuaj yeem sib txuas lus nrog ib leeg, tuaj koom cov kev kawm, thiab kawm txog cov peev txheej tshiab uas txhawb nqa cov menyuam yaus, cov hluas, thiab cov tsev neeg thoob plaws Wisconsin.

Ntau tus neeg hais lus hauv lub rooj sab laj yog ob leeg niam txiv ntawm cov menyuam uas muaj kev xiam oob qhab thiab yog kws tshaj lij. Cov kev kawm tsom rau cov tswv yim siv tau thiab cov tswv yim koom tes ua ke los txhawb cov txiaj ntsig zoo rau cov menyuam yaus. Cov ncauj lus suav nrog kev saib xyuas tus kheej, lub neej tom qab tsev kawm them siab, kev sawv cev, kev npaj nyiaj txiaj, thiab ntau ntxiv.

### Cov kev ua si thiab kev ua ub no rau tag nrho tsev neeg suav nrog:

- 30 qhov kev cob qhia tsom rau tsev neeg
- Gathering of Youth, ib qho kev pab cuam muaj zog rau cov hluas hnuv nyoog 10–18 uas muaj kev xiam oob qhab
- Sibshop Kids thiab Sibshop Teens, kev kawm ib nrab hnuv rau cov kwv tij nkauj muam
- Hmo Kev Lom Zem Rau Tsev Neeg
- Ntau dua 45 tus neeg muag lossis muab peev txheej
- Muaj neeg txhais lus Mev thiab ASL, yog tias thov



Cov ntaub ntawv muab rau hauv tsab ntawv xov xwm no yog luam tawm raws li Tsoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

## Cov ntsiab lus txog lub rooj sab laj

Lub Rooj Sab Laj Txog Lub Neej Xyoo 2026 yuav muaj nyob rau hnub **Thursday thiab Friday, Tsib Hlis 14–15, 2026**, ntawm **Holiday Inn Stevens Point-Convention Center** hauv **Stevens Point, Wisconsin**. Qhov chaw no uas haum rau tsev neeg muaj chaw nres tsheb yooj yim, tsev noj mov nyob rau qhov chaw, thiab pas dej ua luam dej.


Cov chav tsev so uas khaws cia ua pab pawg ntawm Holiday Inn Stevens Point-Convention Center thiab Holiday Inn Express and Suites Stevens Point muaj nyob rau tus nqi txo. Tsev neeg raug txhawb kom teem chav tsev so ntxov.

## Kev sau npe thiab nyiaj txiaj los ntawm CLTS Kev Pab Cuam

Rau cov ntaub ntawv thiab kev sau npe, mus saib [familyvoiceswi.org/circles-of-life-conference](https://familyvoiceswi.org/circles-of-life-conference).

Yog tias koj xav siv nyiaj CLTS Kev Pab Cuam los them tus nqi sau npe, ua haujlwm nrog koj tus SSC kom ntxiv lub rooj sab laj no rau hauv koj daim phiaj kev pabcuam. Tus neeg tswj hwm yuav ua tiav daim ntawv tso cai ua ntej (PA) ua ntej lub rooj sab laj. Thaum tau pom zoo lawm, koj yuav tau txais email lees paub nrog cov kauj ruam tom ntej.

Lub Rooj Sab Laj Txog Lub Neej muab sijhawm rau tsev neeg thiab cov kws tshaj lij los kawm ua ke, sib qhia cov kev paub dhau los, thiab txhawb kev sib txuas lus uas kav ntev mus txog thaum kawg ntawm lub rooj sab laj. ❖



## Lus ceeb toom: Phau Ntawv Qhia Rau Tus Neeg Koom thiab Tsev Neeg ntawm CLTS Kev Pab Cuam

Cov tsev neeg uas sau npe hauv CLTS Kev Pab Cuam yuav tau txais Phau Ntawv Qhia uas piav qhia txog txoj haujlwm thiab yam yuav xav tau.

Phau ntawv no muaj cov ntaub ntawv pab tau txog:

- CLTS Kev Pab Cuam thiab cov kev txhawb nqa muaj
- Txoj kev npaj kev pabcuam Txiaj Txim Siab Ua Ke
- Lub luag hauj lwm thiab kev ris dej num ntawm tsev neeg thiab pab pawg
- Cov cai, kev thov rov saib dua, thiab yuav nrhiav kev pab li cas


Txawm koj yog tus neeg nkag tshiab rau Lub Khoos Kas CLTS los sis yeej tau teev npe nkag tau ntau xyoo lawm los xij, phau ntawv qhia no yeej yog ib qho cuab yeej muaj txiaj ntsig uas koj tuaj yeem rov qab mus saib tas rov saib dua tau.

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

Tsev neeg tau txais Phau Ntawv Qhia hauv thawj lub hlis tom qab sau npe. DHS xa ib daim ntawv rau koj, thiab phau ntawv kuj muaj nyob online txhua lub sijhawm.

Yog tias koj tshiab rau CLTS Kev Pab Cuam, Phau Ntawv Qhia yog qhov chaw zoo pib. Yog tias koj tau sau npe ib ntus lawm, nws yog ib qho siv tau thaum twg muaj lus nug.

Mus saib phau ntawv online lossis thov lwm daim, mus rau [dhs.wi.gov/library/collection/p-03689](https://dhs.wi.gov/library/collection/p-03689) lossis tham nrog koj tus SSC. ❖



Luam theej duab kuv kom tau Phau Ntawv Qhia CLTS

## Yog koj tsis pom zoo nrog ib qho kev txiav txim siab hauv Lub Khoos Kas CLTS

Kev muaj txoj kev xav tsis sib thooj yeej yog ib yam uas ib txwm muaj tas li. Yog tias koj tsis pom zoo nrog ib qho kev txiav txim siab txog koj tus me nyuam cov kev txhawb pab los sis kev pab cuam hauv Lub Khoos Kas CLTS, lawv txoj kev muaj cai tsim nyog tau txais, los sis tus neeg muab kev pab cuam uas tau xaiv, ces koj muaj cai thov kom muab hais dua tau. Qhov no txhais tau hais tias koj tuaj yeem thov kom ib tug kws txiav txim plaub ntug rov tshuaj xyuas qhov kev txiav txim siab ntawd dua.

Yog tias koj ntseeg tias lawv tau tsim kam muaj qee yam rau koj tab sis koj ho tsis tau txais Tsab Ntawv Ceeb Toom txog Kev Nqis Tes Ua Yam Uas Tsis Zoo (NOA), ces koj tseem muaj cai tau txais ib daim. Daim NOA yuav piav qhia txog qhov kev txiav txim siab thiab muab cai rau koj thov kom muab hais dua. Yog tias koj xav tias koj yuav tsum tau txais ib daim tab sis ho tsis tau txais, ces thov kom koj tus SSC los sis lub chaw khiav hauj lwm uas muab cov kev pab cuam hauv Lub Khoos Kas CLTS xa ib tsab tuaj rau koj.

### Txhawm rau pib tus txheej txheem thov kom muab hais dua:

**Xa daim foos thov lossis sau ib tsab ntawv.** Sau daim foos thov lub rooj sib hais los sis sau ib tsab ntawv piav qhia tias vim li cas koj ho tsis pom zoo nrog qhov kev txiav txim siab. Nco ntsoov kos npe thiab sau hnuv tim rau daim ntawv thov.

**Xa daim foos lossis tsab ntawv ntawd mus rau Division of Hearings and Appeals.** Qhov chaw nyob yog:

Division of Hearings and Appeals  
P.O. Box 7875  
Madison, WI 53707-7875

Lub Division of Hearings and Appeals yuav ceeb toom rau koj thaum uas lawv teem tau lub sij hawm rau koj lub rooj sib hais lawm.

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

Yog xav paub ntxiv txog kev thov kom muab hais dua los sis txhawm rau nrhiav daim foos, mus saib: [doa.wi.gov/RequestAHearing](https://doa.wi.gov/RequestAHearing)

Nws yog ib qho tseem ceeb uas yuav tsum paub tias kev ua ntawv thov kom muab hais dua tsis yog ib qho phem. Nws tsuas yog ib txoj hauv kev los daws kev tsis sib haum xeeb thiab kom paub tseeb tias koj tus me nyuam cov kev xav tau raug txiav txim siab tag nrho. Txheej txheem thov kom muab hais dua nyob ntawm no los txhawb nqa koj yog tias koj xav tias ib qho kev txiav txim siab txog kev them nyiaj pab yug me nyuam thiab kev pab cuam tsis yog rau koj qhov teeb meem. ❖

## Cov peev txheej muaj txiaj ntsig rau tsev neeg

**Kev npaj txhij rau tsev kawm pub dawb rau cov menyuam muaj plaub xyoos** Governor Evers, ua ke nrog Wisconsin Lub Chaw Haujlwm Saib Xyuas Menyuam Yaus thiab Tsev Neeg (Wisconsin Department of Children and Families) (DCF), tau pib Get Kids Ready, thawj qhov kev pab cuam npaj txhij rau tsev kawm uas tau nyiaj los ntawm lub xeev hauv Wisconsin rau cov menyuam uas yuav muaj plaub xyoos rau lossis ua ntej lub Cuaj Hlis 1, 2026. Los ntawm qhov kev pib tshiab no, cov chaw zov menyuam uas muaj kev qhia npaj txhij rau tsev kawm uas tau pom zoo yuav tau txais nyiaj los ntawm lub xeev, thiab cov tsev neeg koom nrog yuav tsis them rau lub sijhawm ntawd. Qhov kev pabcuam no pab cov menyuam tsim kev txawj uas lawv xav tau kom vam meej hauv kindergarten thiab tom qab ntawd, suav nrog kev kawm, lub cev, kev sib raug zoo-kev xav, thiab kev pab tus kheej.

Kawm ntxiv ntawm Wisconsin Lub Chaw Haujlwm Saib Xyuas Menyuam Yaus thiab Tsev Neeg (Wisconsin Department of Children and Families) nplooj Get Kids Ready: [dcf.wisconsin.gov/getkidsready](https://dcf.wisconsin.gov/getkidsready)

**Kev noj qab haus huv siab ntsws thiab kev tuaj kawm ntawv** Wisconsin Office of Children’s Mental Health (OCMH) tau tso ib daim ntawv qhia piav qhia tias teeb meem kev noj qab haus huv siab ntsws yuav ua rau tsis tuaj kawm ntawv, thiab kev tsis tuaj kawm ntev tuaj yeem ua rau muaj kev ntxhov siab, kev nyob ib leeg, thiab kev nyuaj siab hauv kev kawm. Kev tuaj kawm ntawv tsis tu ncuu yuav txhawb pab kom muaj txoj kev kawm, kev sib raug zoo, thiab kev noj qab nyob zoo mus ncuu sij hawm ntev, thiab cov tsev kawm ntawv uas muaj cov kev pab cuam zoo rau cov tub ntxhais kawm yuav tuaj yeem pab cov tsev neeg daws cov teeb meem kev tuaj kawm ntawv tau.

Nyeem daim ntawv qhia no ntawm no: [children.wi.gov/Documents/ResearchData/OCMH%20Fact%20Sheet\\_October%202025\\_Attendance%20Absenteeism%20and%20Mental%20Health.pdf](https://children.wi.gov/Documents/ResearchData/OCMH%20Fact%20Sheet_October%202025_Attendance%20Absenteeism%20and%20Mental%20Health.pdf)



## Wisconsin Wayfinder pab txuas koj mus rau cov chaw pab

Cov tsev neeg feem ntau yuav muaj ntau nqe lus nug tom qab paub tias lawv tus me nyuam muaj ib los sis ntau qhov kev loj hlob qeeb, kev xiam oob qhab, kev xav tau kev saib xyuas kho mob tshwj xeeb, los sis muaj teeb meem kev mob puas hlwb. Wisconsin muaj tsib Lub Chaw Pab Me Nyuam Yaus hauv cheeb tsam uas mob siab los txhawb pab cov tsev neeg no. Cov chaw no pab tag nrho cov tsev neeg thiab cov neeg muab kev pab cuam tib si:

- Txuas mus rau cov chaw pab hauv zej zog.
- Kawm txog thiab nrhiav kev txhawb nqa thiab kev pab.
- Tau txais cov lus teb rau cov lus nug.

Koj tuaj yeem hu tus xov tooj dawb 877-WiscWay (877-947-2929) los tham nrog ib tus neeg tiag-tiag uas yuav txuas koj nrog koj phau ntawv qhia txog chaw pab rau me nyuam.

Koj tuaj yeem mus online ntawm [dhs.wi.gov/wiscway](https://dhs.wi.gov/wiscway) kom tau ntaub ntawv ntxiv.

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

## Lub Chaw Hauj Lwm Saib Xyuas Kev Noj Qab Haus Huv ntawm Cov Me Nyuam: Daim Ntawv Qhia Txog Kev Txhawb Nqa Cov Menyuum Muaj Kev Xiam Oob Qhab

Office of Children's Mental Health tau tso ib daim ntawv qhia hais txog yam peb lub xeev tab tom ua los txhawb cov menyuum muaj kev xiam oob qhab. Nws suav nrog cov npe ntawm tej yam uas cov neeg tsim cai, cov neeg muab kev pab, cov zej zog, tsev kawm ntawv, thiab cov niam txiv/neeg saib xyuas tuaj yeem ua los pab cov me nyuam thiab lawv tsev neeg. Rub tawm ntawm no: [children.wi.gov/Documents/ResearchData/OCMH%20Fact%20Sheet\\_July%202024\\_Supporting%20Kids%20with%20Disabilities.pdf](https://children.wi.gov/Documents/ResearchData/OCMH%20Fact%20Sheet_July%202024_Supporting%20Kids%20with%20Disabilities.pdf) ❖

## Koom nrog peb daim ntawv teev npe xa email

Sau npe kom tau txais tsab ntawv xov xwm no hauv tshuab hluav taws xob thiab lwm yam email txog Qhov kev pab cuam CLTS.

1. Mus rau [dhs.wi.gov/dms/ltc-email-signup.htm](https://dhs.wi.gov/dms/ltc-email-signup.htm).
2. Kiv nqis mus rau nqe Children's Long-Term Care Subscription List Topics (Cov Ncauj Lus Ntawv Teev Npe Rau Kev Saib Xyuas Kho Mob Ncua Ntev rau Cov Me Nyuam Yaus).
3. Xaiv CLTS Information for Families and Participants (Cov Ntaub Ntawv Qhia rxog CLTS rau Cov Tsev Neeg thiab Cov Neeg Koom Nrog).

Qhia koj tsev neeg thiab tej phooj ywng hauv lub khoos kas kom sau npe tib si thiab!

Txhua Yam Rau Cov Me Nyuam (All in for Kids) cov ntawv tshaj tawm yav dhau los hauv xyoo 2025: Lub Khoos Kas CLTS yog muaj nyob ntawm: [dhs.wi.gov/library/collection/AKids25](https://dhs.wi.gov/library/collection/AKids25). ❖

Cov ntaub ntawv muab rau hauv tsab ntawv xov xwm no yog luam tawm raws li Txoj Cai Kev Ruaj Ntseg Hauv Zej Zog § 1915(c) thiab 42 C.F.R. § 440.180.

Txhua Yam Rau Cov Me Nyuam (All in for Kids): CLTS Kev Pab Cuam yog ib tsab ntawv xov xwm uas Wisconsin Department of Health Services (Wisconsin Lub Chaw Hauj Lwm Saib Xyuas Kev Noj Qab Haus Huv) luam tawm rau cov menyuum yaus thiab tsev neeg hauv CLTS Kev Pab Cuam.

Lub Khoos Kas CLTS muab cov nyiaj pab los ntawm Medicaid los txhawb pab cov me nyuam uas muaj kev txwv loj vim yog kev xiam oob qhab fab kev loj hlob, fab lub cev, los sis fab siab ntsws kev xav loj heev uas ua neej nyob hauv vaj tsev los sis hauv lub zej zog. Cov nyiaj pab yuav raug siv tau los txhawb pab ntau yam kev pab cuam uas saib raws li kev ntsuam xyuas txog tus me nyuam thiab tsev neeg tej kev xav tau tshwj xeeb thiab cov hom phiaj los sis cov txiaj ntsig uas teev tseg. Hais txog rau cov ntaub ntawv qhia paub ntau ntxiv, mus saib [dhs.wi.gov/children/index.htm](https://dhs.wi.gov/children/index.htm).

Para leer este boletín en español, visite [dhs.wi.gov/library/collection/AKids26](https://dhs.wi.gov/library/collection/AKids26).

Xav nyeem tsab ntawv xov xwm no ua Lus Hmoob, mus xyuas [dhs.wi.gov/library/collection/AKids26](https://dhs.wi.gov/library/collection/AKids26).

Rau lwm hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, မာလာဝါဝ, Français, Polski, हिंदी, Shqip, Tagalog, Soomaali): 608-266-5508.